



Al mei al, genôch om oer nei te tinken. Soesto no ek meidwaan wolle of wolsto wat betsjutte foar de feriening? Net yn it bestjoer, mar as ûnderdiel fan de organisaasje fan in (inkele) wedstriid, evenemint of kompetysje. Dan soest ús, as bestjoer, hiel bliid meitsje. It moaie is... hoechst net iens keatse te kinnen of lid te wêzen. Mail of sjit immen fan de feriening ris oan (do kinst der fêst wol ien).

Mail: kfjanreitsma@gmail.com

Website: www.kaatsverenigingjanreitsma.nl

Sels in net keats(t)er docht mei

Hjerst, de fjildaktiviteiten sitte der wer op, de winter komt deroan. Foar ús as feriening it momint fan evaluaasje en foarútsjen. Wêr wurdt dan nei sjoen en wêr lizze de útdagings, oan de hân fan dit skriuwen nim ik jimme mei. We ferdiele it ûnder yn winsken, wylde ideeën en plannen.

Winsken

In winsk is om kommand jier (wer) in NK en/of haadklassewedstriid nei Reduzum te heljen. Dêrneist sette we ek yn op jeugd KNKB en regio-wedstriden. Sadat in hiel protte bern út ús doarpen priuwe en meidwaan kinne oan sa'n wedstriid.

Wylde ideeën (harsenskrabje)

Soe it ek leuk wêze om it 'merkekeatsen' werom te bringen yn it doarp?

Op de snein fan de merke is de lêste jierren in KNKB 1^e klasse manljus- en frouljuspartij. As we dit no earder yn it seizoen dwaan kinne, dan...

Miskien de kompetysjes wat oars dwaan ... En wat te tinken fan in ekstra momint om te muorrekeatsen (in oare jûn, in moarn of middei). Mei in lyts groepke, gesellich, gelikens yn nivo, ek hjir wurdt oer brainstoarme.

Plannen

Wat wis is dat de jeugd har kommende winter wer goed tariede kin op it folgjende seizoen. Der binne plannen om yn novimber al in start te meitsjen mei de wintertraining. Ek muorrekeatsen foar senioaren stiet yn de steigers. Wytgaard hat yn de sporthal in moaie muorre. Doel is om dêr sa út en troch ris in

Wintertraining

It fjildseizoen is wer foarby en krekt as foargeande jierren wolle we wer begjinne mei de wintertraining yn 'e seal. De wintertraining fynt plak yn 'e gymseal fan Reduzum op de folgjende sneinen:

2025 02/11 – 23/11 – 07/12 – 14/12
2026 11/01 – 18/01 – 25/01 – 01/02 – 08/02 –
18/02 – 01/03 – 08/03 – 15/03 – 22-03
en 29/03

Troch de romte binne we bûn oan in oantal plakken, dêrom is sa gau mooglik opjaan wol oan te rieden. As feriening meitsje wy gjin winst, mar mei de wintertraining binne we wol bûn oan kosten foar in trainer en de sealhier. Dizze kosten sille we ferdiele oer de dielnimmers. Sa as it no liket kinne we it bedrach op 10 euro per training hâlde. Hoe mear bern der meidogge, hoe minder de ynlis wêze sil.

Mochten der noch fragen opkomme, dan kin dizze steld wurde oan Anique. Dit mei troch in mail nei de feriening te stjoeren as har te appen/skiljen. Sjogge we jimme yn 'e seal?



Rabo ClubSupport

Koartlyn koe der wer stimd wurde op ús feriening by Rabo ClubSupport en troch jimme stipe hawwe wy in moai bedrach ûntfongen fan de Rabobank!

Mei dizze bydrage kinne wy hjir ynfolje wêr't it jild foar brûkt wurdt, bygelyks: nij materiaal oanskaffe, in aktiviteit foar de jeugd organisearje of ús attributen ferbetterje. It betsjut in soad foar ús as feriening, en wy binne dan ek tige bliid mei elkenien dy't op ús stimd hat!

Mei ús allen meitsje wy ús feriening sterker – tige tank allegearre!

Yn petear mei Hans Brinksma

Wa bist do?

Ik bin Hans Brinksma en ik tink al sa'n lytse 20 jier belutsen by it (jeugd) keatsen. Foar mear ynfo oer mysels, kinne jim de Linepraat fan oktober derop neislaan, dêr stiet nl. ek in stik oer my yn.

Hoe bist yn oanrekking kommen mei it keatsen?

As jonkje fan 6 jier waard ik meinommen nei it keatsfjild troch doetiids ús buorman Ulke Tolsma.

We hiene doe in leuk ploechje fan deselde leeftiid, sa as Germ Zijlstra, Jaap Jansma en André en Peter Tolsma. Mei harren âlden gongen we as bern eltse wike fuort te keatsen. En as ien fan ús de krâns wûn, op de auto troch it doarp. Hichtepunten wiene foar my de winst op it NK skoaljonges. Mar letter ha de mannen (André, Germ en Peter) sels de Freule wûn. Buorman Ulke wie sels in âld-keatser en hat neist syn eigen bern, André en Peter, de jeugd yn Reduzum traint.

Wat jout dy foldwaning?

Doe't ús bern de leeftiid hiene, binne se ek op keatsen gongen en fan dy tiid ôf haw ik jeugdtrainer en coach west foar de jeugd. It moaie is at je in leuke fanatike groep jeugd ha, dy't oannimme wol en better wurde wol. Sels mei ús bern altyd op 'en paad west en de ôfdielingspartoeren coacht. Hichtepunten binne it 3e plak NK skoalfamkes mei Jitsina van den Bogert, Anne Boukje Bloem en Albertine Brinksma, as coach. Ek doe yn in auto mei iepen dak troch it doarp riden. En natuerlik yn 2018 it beheljen fan it 2e plak op de Freule troch Jesper Tolsma, Melle Fopma en Johannes Gerben Brinksma, as coach tegearre mei Peter Tolsma. En krapoan 15 jier trainen jûn oan de folwoeksen keatsleafhawwers yn Reduzum, eltse woansdei in ploechje fan in man as 10 dy't efkes in baltsje slaan woene en ekstra oefenje.



Allinne trainer by it keatsen of ek ...

As seleksjelid fan doetiids KF Stânfries de jeugd trainen jûn en as coach mei nei de wedstriden. En ek dat letter wer oppakt doe't ús eigen bern begongen mei it kuorbaljen.

Tips foar de jeugd

Foarearst plezier ha yn it spultsje, mar ek hjir de wil ha om better te wurden troch oan te nimmen fan trainers. Eltse wike fuort te keatsen. Troch omlopen te draaien en it faak te dwaan wurde jo better. En neist de training op woansdei, miskien ris wat faker mei heit, mem of pake op it fjild of thús in baltsje slaan.